

魄狂遊每將術藝養通用安身已道知和息
藜杖藥瓢蓑衣笠笠大地有滿地正珠那
的直甚閑氣 無限峯巒鬱翠略探箇茅庵
用做棲心亭有靈苗裔更兼泉水飢渴自然
無礙獨坐添山裏悶着乾坤間隔望落落如
曉星之勢再遇何年駕雲朝上帝

玉胡蝶

捉住玉山赤鳳神舟同泛激浪漂浮便使烏
龜開口出頭喜謔吸洪濤枯乾北海使巨波
澆灌西湖自舒敷水紋花面此日是金鋪
光珠盈盈照耀恰如明月晃晃方隅普徧騰
輝盡成霞彩環紆見圓珠深深漸見結寶丹
空外超躡得臨大羅天上永永惺甦

玉液泉

這消息幾人知獨我全真好大悟來心地清
涼便分曉本來面目常照最玄妙金闕關玉
戶閉來往通關竅過三田覺上下和冲降銀
雪黃芽遍生芝草 蛇嬰舞跳透引動龍吟
虎嘯般運在斡旋中坎窩顛倒龜蛇戰關水
火抽添爐內燒丹結就明珠晃耀玉皇深恩

宣詔祥雲攬翠旌時樓踏青鸞歸蓬島

鍊丹砂

馬丹陽

行道要心堅密護丹田調和真息永綿綿十
二時中常若見休要塵牽 訣要避諍諍靜
處安然須通語默默言傳神秀丹成行滿得
去朝元

點絳脣

桓真人

小小鰲兒生得天然訛身矮矮兒元有口
難開解 認得乾坤此理誰能解腰間常道
人偏愛不換金魚袋

其二

堪嗟人人波波劫劫貪名利何時已眼光落
地到此纔方悔 雖有兒孫要替應難替思
下淚這場滋味認着心先碎

其三

丘長春

昨夜醺醺醉中似覺乘丹鳳笙歌共四天飛
縱悟入桃源洞 正向深溪閑把明珠弄晨
動一聲風送鶯鶯遊仙夢

鳴鶴餘音卷之四

鳴鶴餘音卷之五

隨五

仙遊山道士彭致中集

滿路花巖

鍾離

四大元無我五蘊本來空休爭人與我逞英
雄貴賤賢愚到了夢魂中百年親眷屬電裏
紅光早宜各自牢籠 勸君勤修煉常照主
人公來時無一物去時空人生有限貪愛轉
無窮不如隨分過一點靈光自然明月清風

江神子

呂洞賓

人生七十古來稀嘆愚迷不修持光陰有限
成敗是非蓋世功名都占取空贏得業相
隨 暫時花酒氣財迷得便宜落便宜暗裏
朱顏漸改氣神虧陽少陰多染患命盡也更
推誰

曲江秋

隨五

如何是道這一點古今尋求顛倒人人有分
箇箇不虧少皆因動念錯染着處便生煩惱
若也般般放下有何微與 隨分隨緣且過
究本來面目直須分曉寒爐冷竈對虎龍吟
嘯目前便是了更不向外邊尋討不問神仙

與佛共同覺照

梅花引

丘長春

行不勞坐不倦任行任坐隨吾便曉風輕暮
天晴道遠大道南溪上下平 溪東幸獲忘
形皎月時斟清夜酒至停月華清披襟散髮
欣欣唱道情

上昇花

吳真人

緊鎖心猿悟光陰塵世百年過速下手頓修
元本真靈此日要住行屋居家坑塹先須跳
將身已使令孤宿靜無觸氣財色酒一齊須
透 俗景般般絕慾更捨盡爺娘共妻骨肉
自在逍遙落魄清閑認取裏頭金玉瑤英蕊
花心動放香味滿空觀柳異光簇祥光燦爛
結成仙曲

步蟾宮

呂洞賓

坎高震兌并子午須識取自家宗祖地雷響
震動山頭雨漸澆蓮黃芽出土 捉得金晶
牢閉固煉甲庚要降龍虎有人問道阿誰傳
但說道先生姓呂

雙雙燕

丘長春

春煙淡蕩青山媚行雲亂飄空界花光石澗
秀出洞天奇依戶牖平高萬丈盡耳目臨風

一快多生浩劫塵情曠朗潭無仙界 堪愛

道遙自在疎枷鎖拋離業根寬債風隣月伴

道合水晶天籟無限崢嶸勝景盡賜與山堂

教賣千乘寶珠酬債問君誰解

無愁可解 三子真人

古往今來多憂少喜淳化太平難值幸逢聖

賢出世布道德談羅天地上界真人權下世

御萬國不勞神器中外偃武修文敬賢尚德

致清平瑞 何以上答天恩佳時念因循等

閑虛費要先崇儉約務飽暖不貪名利向玄

門求奧秘戒嗜慾保安和氣更心上物物頭

頭放下乃得免人間累

木蘭花慢

本輕清體妙湛然獨與天遊為透入凡胎五

行團圓四大拘囚窮年執迷不悟認聲色虛

幻故延留元舊仙鄉道域咫尺天地遐遙

欲求返本還元誠只在自心頭但然然指思

時時探索必取功收虛空忽然粉碎盡來生

業障一齊休振袂蓬萊闕苑不愁弱水無舟

自樂

醉時節就把青山靠醒來時與取瑤琴操操

的是鶴鳴九皋水色清山色近迥然間自樂

俺也一如歸闕苑登蓬島且恁底寄跡人

間與造化同遊太虛保養得形神俱妙

上平西

這無常兩個字最難防要來時無處潛藏不

論老幼不管貧富與賢良不管妻子與兒郎

怎戀爺娘 身居土血逐水氣隨風魂魄遊

颺細看來怎不情傷休貪火院早早修取上

天堂三千功滿赴蓬島永在仙鄉

其二

引清風邀明月去來考省多少闕是問非臨

山近水近些松竹向些梅小院活計沒多般

詩酒琴棋 無聲擊無煩惱無別離待改變

一味愚癡頭頭角得失何所更何為不如

閑早學真機高卧雲梯

鳳樓梧

日月循環無定止春去秋來多少榮枯事五

帝三皇千萬禩一興一廢常如此 死去生
來生復死輪迴變化何時已不到無心休歇
地不能清靜超於彼

其二

綠暗紅稀春已暮燕子衝泥飛入垂楊處柳
絮欲停風不住杜鵑聲裏山無數 竹林芒
鞋無定據好的林泉信脚隨狂馭拚却此心
生幾許一川風月那為主

其三

西轉金烏朝玉帝東望銀蟾皓色籠青桂漸
扣南華排菊會滿斟北海醞醞醉 醉倒終
南山色裏山色清高夜色無雲蔽一鳥不鳴
風又細月明如晝天如水

其四

孤僻峻巖清淨界鑿玉安身抱道忘知解道
友相看唯莫恠貧寒守拙無相待 富貴功
名堪倚賴多是非漸斂多成敗肉食馨香
終不耐單臥寂淡常安泰

其五

得好休來休便是贏取逍遙免把身心使多

少聰明英烈士忙忙虛負平生志 造物推
移無定止昨日歌歡今日愁還至今日不知
明日事區區著甚勞神思

其六

今日思量當日故知我前程逍遙時難度福
又不延天不助物物要無門路 走骨行
尸今已悟魂夢悠悠且向碯溪住奉謝街坊
豪傑尸時時念我頻相顧

南香子

一箇蒼蠅飛入腥盆顧甜時直入中心去忘
了攪身沾其足沾其翅喪其形 我好嗟呀
怎不動心甜中有苦福內災生既知滋味便
好抽身你好不惺惺不伶俐一箇大蒼蠅

虞美人

重陽飲知多少因此通玄妙布麻衲襖布青
巾好模好樣真箇好精神 不須鏡子前來
照萬事心頭了夢中識破夢中身便是逍遙
達彼岸頭人

枕屏子

涉歷名山巖巖盡皆遊過上高坡登峻嶺勞

神怎麼道在身心着物交加相趁終不失本
來這箇 白日同行晚來同眠同計到天明
相逐定同行共坐巖然地忽然間分明識破
元來是大哥

卜算子 辭世

孫仙姑

握固披衣候水火頻交燁萬道霞光海底生
一撞三關透 仙樂頻頻奏常飲醍醐酒妙
藥都來頃刻間九轉金丹就

喜遷鶯

丘長春

要離生滅把舊習般般從頭磨徹愛慾千重
身心百鍊鍊出寸心如鐵放交六神和暢不
動三尸頭頭事猛烈仗虛空一片無情分別
關結除縲繼方遇至人金口傳微訣頓覺
靈風吹開魔障形似木雕泥捏既得性珠天
寶動破春花秋月恁時節是難呼唯有神仙
提挈

其二

厭離塵垢便志樂虛閑清淨為友劍掛寒光
兵安雲將戰勝五行之寇收得洞玄靈寶跳
出陰陽之殼大丹就鍊摘騎日月摩挲星斗

出陰陽之殼大丹就鍊摘騎日月摩挲星斗

1.1-6

英秀起前後隨應萬機明顯神通手鐵板
門庭金針玉線到處七穿八透引出錦麒獅
子振水禽山獸連回首向碧霞堆裏高眠清
晝

其三

莫尋玄妙我分明說破修行關竅戰睡敵魔
忘情絕念此是聖賢正教飲食則定除疑每
日勤修覺照莫差了待無眠無睡心方合道
別有玄和妙鍊氣成神自有金光罩五氣
朝元三花聚頂水火運行顛倒九陽結就還
丹射透靈臺八表功行了向長生路上閑遊
三島

其四

欲調真息論根源參到生前實際氣是心兮
神為氣主心動神氣分離心寧子母相抱意
定自成真液莫錯識這內調息非干扭捏不
曉胎元理 開目和鼻指靈龜炸戲祖道家
風迴光返照呼吸自歸根蒂清風管然透戶
水火剎那既濟至此理要具常咫尺三生佛
出世

其五

返觀塵世便擺脫羈縻道遠能幾短榻給巾
班班焦尾便是自家歸計箇人間為何隱遠
指松蘿蒼翠碧霞裏有洞庭種鶴交朋知己
無比清閑貴高枕老莊不尚公侯位水袴

山鞋煙菴月笛別是一般風味安得這些消
息自古神仙網紀違吾志任秦田改變浮生
興廢

其六

萬緣多暇便杖履開遊田園隣舍雨笠風巾
鷓衣鶴骨靴梅翠傲峯下眼底世情詳擾方
外天機獨霸德風化樂清虛恬淡無為華夏
幽雅雲鶴駕歸去故園營燕吟王謝水石
清華巖壑深遠高過軟紅車馬千古是非成
敗一枕煙霞漢野妙哉也這生涯欲賣誰能
酬價

其七

利名拋却入唐莫辨問委蛇盤礴水曲山隈
煙村雲屋隨分葛衣藜藿任他玉堂軒冕爭
似茅廬止整志寥廓向東籬消遣西園吟酌

綿邈無為作不遇箇人何處談玄略書笈
琴臺石壇瓦鼎此外並無真樂幽雅澹然風
範端的憑誰光燦自消索有一溪松月千年
猿鶴

其八

頓消綠慮覺夢蝶勞生鶉居蓬戶飯蟻醃雞
塵彩風帽贏得百年虛度利如斷霞殘照名
若落花飛絮豈堅固似風中乘燭枝頭垂露
誰悟獨歸去收拾水雲高卧曹溪路竹外
流泉籬邊叢菊粧點野棠閑趣五柳檣前吟
醉一笑人間今古欲分付歎煙波渺渺知音
何處

水龍吟

玉爐百和發虔心信香一炷氤氳繞繞來往
盤旋結成華蓋報天地恩覆載報日月照臨
之德報國王水土豐榮快樂報父母恩憐愛
上謝祖師聖教丹陽師父傳派紅塵香度
全真大教丘王長在太古居寧海共三人暗
合法界願皇王萬歲千秋臣宰請門人拜

其二

算來浮世忙忙競爭嗜慾閑煩惱六朝五霸
三分七國東西討武略今何在空樓愴野花
芳草嘆深謀遠慮雄心壯氣無光彩盡灰槁
歷遍長安問却墟百年遺老唐朝漢苑秦
宮周墻明明芳草見故址留連故人消散莫
通音耗念朝生暮死天長地久是誰能保

其三

寥廓初寒淡天瑩微瑤翠無陰樹下長安
樓上月明風細百榻潛消萬家同賞一般清
味見金星朗朗銀河耿耿交光粲滿天地
流轉碧空如水任縱橫略無礙滯衡山拍海
傾光騰透綿綿吐瑞連了從故寶瓶堅固玉
漿時泥把衷情欲訴何人會得且陶陶醉

其四

吳天空闊初晴氣迴觀物物欣茂亭俯仰
山川高下裝成錦綺碧洞清泉響聞迢遞一
聲長溜更時時注目悠悠遠看青峯上白雲
淒無限靈禽異獸慰悶心不辭柴瘦金風
翠栢雙崖爭長千株競秀耀日丹臺四時為
伴百年隨壽任寒來暑往星移物換得高眠

白晝

其五

混元南嶽初開瑞雲透出崐崙表星移電轉
陰昇陽降紅光縹緲舞鸞翔看鳥龜共赤
龍蟠繞盡鴻濛一氣烹成造化神仙道片時
了雲散十方三界洞天深月明風裏此時
占得長生門戶避齡體調吟詠從他海變山
移石枯松老伴煙霞獨向是非境外却恨知
音少

其六

本自出家離塵世更不食人間華麗蓬頭垢
面終朝獨坐內修估計古廟窳窳裏任他紅
輪西墜向無中認有知白守黑綿綿地默調
息心上別無繁繫有腋袋拄杖相隨草鞋
短襦精膝赤腿羊皮遮體飢後巡門乞飽來
唱哩論囉哩任傍人笑我呆癡懶漢有誰人
識

瑞鶴仙

百年如夢蝶嘆古往今來多少豪傑國王霸
業謾得漁樵一場閑說秦宮漢闕今只有孤

蹤免冗想榮華乘燭當風富貴似陽澆雪
省也損身薄利害已虛名却如吳越隨緣養
拙柴門掩是非絕向午窓容膝小溪垂釣坐
對雲山萬壑夜橫琴伴我知音碧天皓月

關鶴鷄

木馬嘶風我之不然石人點頭亞子會言碧
眼胡僧沒手指天畫一團無所傳任意咆哮
如瓶瀉泉枉費工夫去磨砌磚安用攬關奪
勝爭先戈甲俱享太平四邊不參禪不問仙
一味醜醜我知自然不移一步到西天木
人把住鐵牛便牽火裏生蓮玄之又玄雲霧
飲月正圓石女停機金針線穿謝三郎許我
釣魚船帶甲金鱗紅錦更鮮不出波瀾浮沉
自然自喜歡便忘筌這些消息誰敢亂傳

夢遊仙

夢遊仙分明曾過九重天浩氣清英素雲縹
緲貫無邊森然似朝元金童玉女下傳宣當
時萬聖齊會大光明罩紫金蓮群仙誦唱諸
天歡樂盡皆得意忘言流霞泛飲桃桃賜宴
次第留連皆秉道德威權神通自在劫劫未

能遠冲虚妙吳天固極象帝之先 透重玄
命駕恍惚神遊橋火萬里迴旋四維上下八
表縱橫鸞鶴不用揮鞭應念隨時到了無障
礙自有根源看盡清都絳闕遙瀛洲紫府筆
難傳瑤臺閬苑花前瑞雲映映百和香風散
四時不夜長春煖處處覺閑想因緣是一點
功圓混太虚浩劫永綿綿任闕浮地山推洞
府海變桑田

錦堂春

話東勝悟南柯一夢黃粮破筆筆雲龍布素
認宗派返照迴光憑慧劍揮開愛網橫黎杖
擊碎塵寰那裏相逢峨眉山下鞘光速遶東
華山旁林泉隱南辰北斗日月袖中藏朱顏
又天崩地塌真性如常 舞袍袖乾坤恨窄
但展手天地平量醉酌陶囊盛四海笑盈盈
腹注三江幾度瓊池龍華會上諸仙蓮宴捧
霞觴鐘離至玉皇御宴無我不成行重陽會
金蓮七朵齊放神光

其二

活骷髏算來有甚風流着衣衫遮形蓋體弄

精神虛度春秋又不念無常近也又怕開
老來勾巧使機關張羅活計忙忙劫劫苦食
求空熱鬧虛名薄利分外惹閑愁三寸氣一
朝斷了獨卧荒丘 嘆古今幾番成敗光陰
迅速難留好脩閑修真養性把從前伎倆都
休放下塵勞悟明心地凌風飄蕩野雲收江
山靜太虚空廓星月照瀛洲真箇好逍遙快
樂不羨王侯

其三

睡魔王百般作害為殃白日間猶教可夜更
添無處潛藏惱得人昏如癡醉壞修行輕送
無常眼若膠粘頭如山壓一團昏悶轉羸羸
相勾引三尸六賊夢裏盜元陽般般有飛騰
法界萬種顛狂 似這般無端乖劣勸諸公
各自提防念死生前程事大要殷勤保護三
光莫得假借全憑覺悟神通勇猛賽關張相
爭戰威鋒剛硬一志向前當追趕退雲收霧
散湛湛清涼

神光祭

專燒誓狀謹登盟言違依國法為先但見男

馬丹陽

兒女子父母如然永除氣財酒色棄榮華戒
斷腥羶常清淨更謙和恭敬無黨無偏 布
素弊航度日飢寒後展手街前不得貪財狂
語詐作高賢常懷慎終始始過危難轉要心
堅如退道願分屍萬段永墮黃泉

其二

修行之士不住居山休勞循環跨路何必區
區來往遠相參不在持功打坐更不須耕
種艱難休勞若不須藥術博換衣食 看你
留心何處但無些染着打破般般好向屋中
展手乞覓餘殘問着浮名淨利嘆死生灰了
心間志塵絕念管將來位列仙班

蜀葵花

王重陽

上仙傳秘訣只要應情減意馬與心煉牢鎖
閉莫放劣戒慳食是非人我無明斷絕把巧
辯聰明都守拙 紫殿元君敬寶鼎丹砂結
也休問龍虎鉛汞絮絮說向迷雲堆裏捧出
一輪皎月方表信希夷門戶列

鳴鶴餘音卷之五